

Colegio San Nicolas preparando pa scol habri



RECIENTEMENTE Minister di Enseñansa, mr. drs. Arthur Dowers a anuncia cu ta cuminsa cu un HAVO-School nobo den dia na San Nicolas. Esaki ta encera cu loke antes tabata un sucursal na San Nicolas di Colegio Arubano, despues di 35 aña ta bira un scol riba su mes. Temporalmente e HAVO-School aki yama Colegio San Nicolas. Entre tanto e personal di Colegio San Nicolas ta den pleno preparacion p'e aña escolar nobo. Inscripcion ya a tuma lugar p'e klasnan di CB1, HAVO-4 y HL1.

E cuerpo di docente a keda completa, e gran mayoria di buki ya ta na scol y e debido control ta tumando lugar den e lokaalnan pa segura cu Colegio San Nicolas por ta completamente operacional awor cu scol habri.

Tur alumno di Colegio San Nicolas a ricibi via e-mail un carta pa informa nan di tur loke nan tin cu prepara p'e aña escolar nobo. Pesey ta pidi tur alumno pa controla nan e-mail



constantemente. Den caso cu nan no a ricibi ningun mail, nan por tuma contacto cu Colegio San Nicolas na 584-6800 of via colegiopariba@gmail.com pa nan haya esaki ainda.

E carta ta ensena informacion tocante horario di scol, uniform, comportacion y klas.

E alumnonan di e klasnan CB1, CB2, H3 y V3 por pasa diabierna dia 10 di augustus 2012 na

Colegio San Nicolas pa recoge nan bukinan. Boekenfonds ta habri di 9or di mainta pa 1or di merdia.

Pa por ricibi e bukinan e alumno mester acudi cu un medio di identificacion y e comprobante di pago di buki.

For di aki ta pidi cada alumno p'e trece un tas grandi p'e por hiba tur su bukinan. E alumnonan di H4 y HL1 ta ricibi nan bukinan den e simannan

cu ta bin.

Prome dia di scol ta dia 15 di augustus 2012. Tur alumno mester ta na Colegio San Nicolas pa 7.45am caminda cu nan lo conoce nan demas coleganan di klas, nan mentor y nan rooster. Tambe riba e dia aki lo tene e apertura oficial di e aña escolar. E prome dia di scol ta termina pa 10.45am pa facilita e docentenan hunto haci e ultimo pal-

abracionnan tocante e schema di actividad p'e aña escolar 2012-2013.

Dia 16 di augustus les ta cuminsa pa 7.45am y ta sigui conforme rooster di cada alumno.

Colegio San Nicolas ta spera cu tur alumno ta disfrutando di su dianan di vacacion escolar y cu pa dia 15 di augustus tur di nan lo ta yen di animo y bon motiva pa cuminsa cu e aña escolar.